



Vschinauncha da S-chanf

7525 S-chanf



ENGADIN
St. Moritz

Da la suprastanza cumünela

Dumandas / annunzchas da fabrica

La suprastanza aderischa a seguaintas dumandas :

- Nouva halla per depositer laina, parcella nr. 753, Bos-chetta Plauna
- Nouvas vascas per l'innaivaziun, lingia da provedimaint d'ova Zuoz – S-chanf

Plan di'investiziun 2019 prüma lectüra

La suprastanza cumünela piglia cugnuschentscha dal plan d'investiziun 2019 – 2023 e discuta divers puncts in üna prüma lectüra.

Partecipaziun «mia Engiadina Network SA»

Da l'an 2014 es gieu elavuro ün concept da svilup regiun dal park naziunel. Tres üna buna amplifichaziun d'üna rait da fibra da vaider paun eir las regiuns illa peripheria profiter dal svilup global in futur. L'an passo ho suottamiss «mia Engiadina» a la vschinauncha da S-chanf ün project d'ingrandimaint per ils attachs da chesas per la rait da fibra da vaider. Ils cuosts valüts s'amuntan per la realisaziun sün fr. 835'175.00. L'investiziun da fr. 836'000.00 es gieu fat bun da la populaziun a la radunanza cumünela dals 19.12.2016 ed ils 01.02.2017. I'l fratemp sun las lavuors preparatoricas gnidas finidas e gnieu surdo las lavuors pel ingrandimaint. Per pudair realiser il backbon (lingia d'LWL fin a Zuoz/S-chanf) e cha'l signal d'LWL po gnir retrat, voul que il sustegn da la MENSA. Previs es, cha tuot las vschinaunchas da la Plaiv as participeschan per sia part (Zuoz fr. 24'500.00, La Punt Chamues-ch fr. 19'100.00, Madulain fr. 6'400.00 e S-chanf fr. 9'600.00). Impü as participeschan la vschinaunchas da Zernez, Samignun, la mia Engiadina Marketing SA e l'Energia Engiadina vi da la SA. Medemamaing permettan las vschinaunchas manzunedas a la mia Engiadina Network SA ün credit sainza fit per tschinch ans. Ils imports manzunos sun bütgetos aint il preventiv 2018. La suprastanza cumünela decida da sustgnair la mia Engiadina Network SA cun fr. 9'600.00 per ün credit sainza fit per tschinch ans e da segner 960 accias à fr. 10.00 total fr. 9600.00.

Halla da glatsch regiunela

La fin da schner 2018 sun gieu inoltro 1'641 suottascripziuns per l'iniziativa per la realisaziun d'üna halla da glatsch illa regiun Malögia. La suprastanza cumünela vaiva decis illa tschanteda dals 10 schner 2018 d'as participer scu lö per fabricher üna tela halla da glatsch. Infratemp sun gnieu annunzchos 14 variantas aint illa Regiun Malögia. La regiun Malögia dumanda uossa per piglier pusiziun riguard l'evaluaziun dal lö u per eventuelas complettaziuns davart la suprastanzas cumünelas.

La suprastanza cumünela sustegna ils duos lös previs illa Plaiv : S-chanf – Serlas Ost, Zuoz - Lyceum Alpinum.

Principi Public

I'l ultima tschanteda da la suprastanza cumünela ils 12.09.2018 es gnieu discus in üna prüma valütaziun il principi public e la circulaziun d'infurmaziuns invers la populaziun. Per quista tschanteda vaiva mincha commember da la suprastanza da purter propostas, che ch'el po contribuir regard quist tema.

L'unica proposta inoltreda es, chi's voul in futur publicher a prouvas il protocol da decisiun da la supranza cumünela.

Sentenzcha dal tribunal administrativ dal chantun Grischun

La supranza cumünela piglia cugnuschentscha da la sentenzcha dal tribunal administrativ dal chantun Grischun regard il cas giuridic da Chapella Nandet regard l'attach da las lingias d'infrastructura. Quista decisiun per attachs d'infrastructura per stabiliments our da la zona da fabrica, saro per bgeras vschinaunchas decisiv.

S-chanf, 05 october 2018

La supranza cumünela